



**O D L U K A**  
**o prestanku rada Fondacije ARS AEVI Sarajevo**  
**(prijedlog)**

**Predlagač: Gradonačelnik**  
**Obradivač: Gradska služba za opću upravu i**  
**zajedničke poslove**

**Sarajevo, juni 2018. g.**



Na osnovu člana 26. stav 1. tačka 2. i člana 74. stav 1. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), člana 43. Zakona o udruženjima i fondacijama F BiH („Službene novine F BiH“ br.45/02), te člana 37. stav 2. Statuta Fondacije ARS AEVI Sarajevo, Gradsko vijeće Grada Sarajeva, na sjednici od \_\_. \_\_. 2018. g., donosi:

(prijedlog)

**ODLUKU**  
**o prestanku rada Fondacije ARS AEVI Sarajevo**

**Član 1.**

Grad Sarajevo kao jedan od osnivača Fondacije ARS AEVI Sarajevo je saglasan za prestanak rada Fondacije ARS AEVI Sarajevo i njeno brisanje iz nadležnog registra.

**Član 2.**

Ovom odlukom stavlja se van snage i Odluka o pristupanju osnivanju Fondacije ARS AEVI („Službene novine Kantona Sarajevo“, broj 19/02).

**Član 3.**

Ova odluka stupa na snagu danom donošenja, objavit će se u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA  
GRADA SARAJEVA**

**Igor dr. Gavrić**

**Broj:**  
**Sarajevo, \_\_. \_\_. 2018. godine**

## **OBRAZLOŽENJE**

### **PRAVNI OSNOV**

Pravni osnov za donošenje ove odluke sadržan je u članu 26 stav 1. tačka 2. Statuta Grada Sarajeva ("Službene novine Kantona Sarajevo", broj: 34/08 - prečišćeni tekst), kojim je propisano da Gradsko vijeće u okviru svojih nadležnosti donosi odluke, druge propise i opće akte i daje njihovo tumačenje, kao i u člana 74. stav 1. Statuta Grada Sarajeva kojim je propisano da Gradsko vijeće donosi: Statut Grada Sarajeva, poslovnik Gradskog vijeća, godišnji program rada Gradskog vijeća i Budžet, platformu, strategiju, planski akt, program, preporuku, smjernicu, deklaraciju, rezoluciju i izjavu, odluku, izvještaj, informaciju i zaključak i druge akte iz nadležnosti Gradskog vijeća Grada Sarajeva u skladu sa zakonom.

Obzirom da je Fondacija „Ars Aevi“ prestala djelovati odnosno da je osnivanjem Javne ustanove Muzej savremene umjetnosti „ARS AEVI Sarajevo“ u potpunosti izgubila svoju svrhu, to se u smislu člana 37. stav 2. Statuta Fondacije „Ars Aevi“ i člana 43. Zakona o udruženjima i fondacijama FBiH nameće potreba da osnivači donesu Odluku o prestanku rada Fondacije „Ars Aevi“ Sarajevo.

### **RAZLOZI DONOŠENJA**

Gradsko vijeće Grada Sarajeva na sjednici održanoj dana 30.07.2002. godine donijelo je Odluku o pristupanju osnivanju Fondacije ARS AEVI.

Gradonačelnik Grada Sarajeva je, u ime Grada Sarajeva, potpisao Ugovor o osnivanju Fondacije ARS AEVI broj: 01-14-4011/02.

Ugovor su, pored Grada Sarajeva, potpisali i predstavnici Kantona Sarajevo, Asocijacije Ars Aevi Italija i Udruženja građana „Umjetnost epohe“.

Fondacija „ARS AEVI“ već dugi niz godina ne obavlja svoje djelatnosti odnosno ne izvršava ciljeve zbog kojih je osnovana. Organi upravljanja i rukovođenja uopće se ne imenuju, pa s tim u vezi niti zasjedaju ili odlučuju, kako je to predviđeno Statutom.

Gradsko vijeće Grada Sarajeva je dana 27.09.2017. godine donijelo Odluku o davanju saglasnosti na Sporazum radi osnivanja Javne ustanove „Muzej savremene umjetnosti ARS AEVI Sarajevo“ („Službene novine Kantona Sarajevo“, broj 41/17), a nakon toga 29.11.2017. godine Odluku o osnivanju Javne ustanove „Muzej savremene umjetnosti ARS AEVI Sarajevo“ („Službene novine Kantona Sarajevo“, 49/17).

Nakon što su ispunjeni svi uslovi za funkcionisanje ove javne ustanove, pristupilo se notarskoj obradi Odluke o osnivanju Javne ustanove „Muzej savremene umjetnosti ARS AEVI Sarajevo“, kao i imenovanju organa upravljanja i rukovođenja istom.

Na ovaj način, u cijelosti je, institucionalno, obezbjeđena zaštita umjetničke kolekcije ARS AEVI. Osnivanjem Javne ustanove „Muzej savremene umjetnosti ARS AEVI Sarajevo“ prestala je svrha postojanja Fondacije „ARS AEVI“, te se ukazala potreba za donošenje ove odluke.

### **FINANSIJSKA SREDSTVA**

Finansijska sredstva za realizaciju ove odluke nisu potrebna.

## FONDACIJA ARS AEVI

### pregled osnivačke dokumentacije

1. Mišljenje Federalnog ministarstva pravde o statusu i pravovaljanosti Fondacije Ars Aevi
2. Rješenje o registraciji Fondacije Ars Aevi
3. Ugovor o osnivanju Fondacije Ars Aevi
4. Odluka o pristupanju osnivanju Fondacije Ars Aevi Gradskog vijeća Grada Sarajeva
5. Odluka o zaključivanju Ugovora o osnivanju Fondacije Ars Aevi Skupštine Kantona Sarajevo
6. Odluka o pristupanju osnivanju Fondacije Ars Aevi - Asocijacija Ars Aevi Italija
7. Odluka o pristupanju osnivanju Fondacije Ars Aevi - Asocijacija Ars Aevi Sarajevo
8. Statut Fondacije Ars Aevi
9. Protokol o internacionaloj promociji Ars Aevi
10. Urbanistička saglasnost Fondaciji Ars Aevi za izgradnju Muzeja/Centra savremene umjetnosti u Sarajevu

Ažurirano 24.5.05



Bosna i Hercegovina  
FEDERACIJA BOSNE I HERCEGOVINE  
FEDERALNO MINISTARSTVO PRAVDE  
SARAJEVO



Bosnia and Herzegovina  
FEDERATION OF BOSNIA AND HERZEGOVINA  
FEDERAL MINISTRY OF JUSTICE  
SARAJEVO

Broj: 04-05-2-2155/02  
Sarajevo, 30.11.2004. godine

INTERNATIONAL CULTURAL  
PROJECT MUSEUM OF CONTEMPORARY  
ART SARAJEVO  
GENERAL DIRECTORATE  
SARAJEVO  
CENTAR SKENDERIJA  
Terezije bb

**PREDMET:** *Mišljenje*

U svezi vašeg akta od 19.11.2004. godine kojom tražite mišljenje o statusu i pravovaljanosti Fondacije Ars Aevi, koje vam je neophodno za realizaciju naših kontakata sa potencijalnim sponzorima izgradnje Muzeja Ars Aevi u Sarajevu, izvješćujemo vas sljedeće:

Pomenuta Fondacija upisana je u Registar fondacija temeljem članka 29. stavak 1. Zakona o udruženjima i fondacijama ("Službene novine Federacije BiH", broj 45/02) koji se sukladno članku 26. istog zakona vodi u Federalnom ministarstvu pravde.

Upis je izvršen dana 07.11.2002. godine na temelju zahtjeva uz koji je priložena sva propisana dokumentacija iz čl. 28. i 29. pomenutog zakona i to između ostalog Statut Fondacije, te Ugovor o osnivanju Fondacije od 23.06.2002. godine koji su potpisali predsjednik i zamjenik predsjednika Kantona Sarajevo, gradonačelnik i zamjenik gradonačelnika Grada Sarajeva, predsjednik i direktor Asocijacije ARS-AEVI-ITALIJA te predsjednik i generalni direktor udruženja građana "Umjetnost epohe "Ars Aevi".

Kao ciljevi za koje je Fondacija utemeljena označeni su: osiguranje sredstava za izgradnju i izgradnju Komplexa ARS AEVI u Sarajevu, pokretanje Internacionalne kompanije Ars Aevi, radi osiguranja sredstava za izgradnju Komplexa ARS AEVI; obavljanje poslova u funkciji ostvarivanja internacionalne suvremene umjetnosti; organizacija kulturnih programa; obavljanje poslova na formiranju, zaštiti, održavanju i prezentaciji ARS AEVI i obavljanje poslova na realizaciji internacionalnih programa potpore i prikupljanje drugih sredstava.

Odredbom članka 33. pomenutog zakona propisana je obveza Fondacije da prijave Federalnom ministarstvu pravde sve promjene statuta, pripajanje, razdvajanje ili transformacije, prestanak rada Fondacije itd. u roku od 30 dana od dana izvršene promjene.

Budući da ovom ministarstvu nisu do danas prijavljene bilo kakve promjene, vezane za Fondaciju ARS AEVI to je upis izvršen po rješenju ovog ministarstva broj: 04-05-2-2155/02 od 07.11.2002. godine jos uvijek važeći.

S poštovanjem,

MINISTRICA  
Borjana Krišto



**Bosna i Hercegovina**  
**FEDERACIJA BOSNE I HERCEGOVINE**  
**FEDERALNO MINISTARSTVO PRAVDE**  
**SARAJEVO**

Broj: 04-05-2-2155/02  
Sarajevo, 07.11.2002. godine

Federalno ministarstvo pravde, rješavajući po zahtjevu "Fondacije ARS AEVI" Sarajevo, za upis u Registar fondacija, temeljem članka 29. stavak 1. Zakona o udruženjima i fondacijama ("Službene novine Federacije BiH", broj 45/02), d o n o s i

**RJEŠENJE**

1. Upisuje se u Registar fondacija "Fondacija ARS AEVI", sa sjedištem u Sarajevu, ul. Terezije bb.
2. Upis je izvršen pod registarskim brojem 29. knjiga I Registra, dana 07.11.2002. godine.
3. Ciljevi fondacije su: osiguranje sredstava za izgradnju i izgradnja Komplexa ARS AEVI u Sarajevu; pokretanje Internacionalne kampanje ARS AEVI, radi osiguranja sredstava za izgradnju Komplexa ARS AEVI; obavljanje poslova u funkciji ostvarivanja internacionalne promocije savremene umjetnosti; organizacija kulturalnih programa; obavljanje poslova na formiranju, zaštiti, održavanju i prezentaciji kolekcije ARS AEVI i obavljanje poslova na realizaciji internacionalnih progama potpore i prikupljanja drugih sredstava.
4. Fondacija ima svojstvo pravne osobe, a zastupa je i predstavlja Ilija Šimić, predsjednik Odbora povjerenika Fondacije.

**O b r a z l o ž e n j e**

"Fondacije ARS AEVI" Sarajevo, podnijela je zahtjev za upis u Registar fondacija.

Uz zahtjev je priložena sva propisana dokumentacija: Statut Fondacije, Ugovor o osnivanju Fondacije od 23.06.2002. godine, ime i prezime osobe ovlaštene za zastupanje i predstavljanje, popis članova organa upravljanja i podaci o osnivaču.

Uvidom u priloženu dokumentaciju utvrđeno je da su ispunjeni svi uvjeti predviđeni Zakonom o udruženjima i fondacijama za upis navedene fondacije u Registar fondacija, pa je iz tih razloga riješeno kao u dispozitivu rješenja.

**POUKA O PRAVNOM LIJEKU:**

Ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor tužbom kod Vrhovnog suda Federacije Bosne i Hercegovine u Sarajevu, u roku od 30 dana od dana prijema ovog rješenja. Tužba se podnosi u dva istovjetna primjerka, a uz istu se prilaže ovo rješenje u originalu ili prijepisu.

Dostaviti:

1. Fondacija,
2. Zbirka isprava,
3. A r h i v a.



**MINISTAR**

*Zvonko Mijat*



ARSAEVI



UGOVOR  
O OSNIVANJU  
FONDACIJE ARS AEVI

*U skladu sa članom 6. stav 2. Zakona o fondacijama i zakladama ("Službene novine Federacije Bosne i Hercegovine", broj 16/98)*

- 1. Kanton Sarajevo, kojeg zastupa Mustafa Pamuk, predsjednik Kantona Sarajevo i Vlado Raguž, potpredsjednik Kantona Sarajevo,*
- 2. Grad Sarajevo, kojeg zastupa Dr. Muhidin Hamamdžić, gradonačelnik i Dr Savo Vlaški, zamjenik gradonačelnika,*
- 3. Asocijacija ARS AEVI-Italija, koju zastupaju Marcello Bucci, predsjednik i Flavio Mongelli, direktor,*
- 4. Udruženje građana "Umjetnost epohe" - "ARS AEVI" iz Sarajeva, Centar Skenderija, ul. Terezije bb, koga zastupaju Ilija Šimić, predsjednik i Enver Hadžiomerspahić, generalni direktor,*

*(u daljem tekstu: osnivači), dana \_\_\_\_\_ 2002 . godine zaključuju*

## **UGOVOR O OSNIVANJU FONDACIJE ARS AEVI**

I

*U cilju pokretanja internacionalne kampanje ARS AEVI, kojom će se obezbijediti sredstva za izgradnju i izgradnja Komplexa ARS AEVI u Gradu Sarajevu, obavljanja poslova promocije savremene umjetnosti - formiranja, zaštite, održavanja i prezentacije kolekcije ARS AEVI, realizacije programa potpore i prikupljanja donatorskih i drugih sredstava kojima će se obezbijediti izgradnja i funkcionisanje Komplexa ARS AEVI, osnivači ovim ugovorom osnivaju fondaciju pod nazivom "FONDACIJA ARS AEVI", sa sjedištem u Sarajevu, Centar Skenderija, ul. Terezija bb ( u daljem tekstu: Fondacija).*

II

*Osnivači su saglasni da ovlaštena osoba za registraciju Fondacije u Federalnom ministarstvu pravde, u ime osnivača, bude predsjednik Kantona Sarajevo.*

III

*Osnivači su saglasni da su predsjednik i potpredsjednik Kantona Sarajevo, gradonačelnik i zamjenik gradonačelnika Grada Sarajeva, predsjednik i direktor Asocijacije ARS AEVI iz Italije i predsjednik i generalni direktor Udruženja građana "Umjetnost epohe" - "ARS AEVI" iz Sarajeva, ovlašteni predstavnici osnivača, kojima se povjerava vršenje prava osnivača prema Fondaciji, i to :*

- imenovanje i razrješenje predstavnika osnivača u organe Fondacije,*
- davanje saglasnosti na Statut Fondacije i druge akte Fondacije za koje to bude određeno Statutom Fondacije,*
- vršenje drugih prava u ime osnivača za koja to bude određeno Statutom Fondacije.*

IV

*Fondacija ima svojstvo pravnog lica.  
Fondacija ima administrativnu, tehničku i finansijsku samostalnost, u skladu sa zakonom.*

V

*Osnivači za osnivanje i početak rada Fondacije ARS AEVI unose u Fondaciju svoje osnivačke uloge i ustupaju Fondaciji njihovo trajno pravo korištenja i raspolaganja (vlasništvo) i to:*

- 1. Kanton Sarajevo:  
- 10.000,00 (slovima: desethiljada) KM i  
- iznos naknade za pogodnosti (renta), naknade za uređenje gradskog građevinskog zemljište i naknade za preuzeto zemljište, čiji iznos će biti određen aktom Zavoda za izgradnju Kantona Sarajevo u skladu sa važećim propisima, a što će biti definisano posebnim aneksom na ovaj ugovor;*

## 2. Grad Sarajevo:

- 10.000,00 (slovima:desethiljada) KM u skladu sa Odlukom Gradskog vijeća o pristupanju osnivanju Fondacije ARS AEVI, broj 01-02-877/02 od 30.07.2002. godine objavljene u "Službenim novinama Kantona Sarajevo". Broj 19/02:

## 3. Asocijacija ARS AEVI - Italija:

- 10.000,00 (slovima:desethiljada)KM

## 4. Udruženje građana "Umjetnost epohe" - "ARS AEVI":

- Umjetničku kolekciju ARS AEVI (donirana kolekcija djela savremene umjetnosti) koju čini 127 umjetničkih djela najznačajnijih svjetskih umjetnika savremene umjetnosti i koja su prezentirana u Katalogu ARS AEVI COLLECTION 1992.-2002., Izdavač International Project ARS AEVI, juna 2002 godine, u vrijednosti određenoj u ukupnom iznosu od 2.752.500,00 Eura utvrđenoj u procjeni uvaženog kritičara umjetnosti prof. Bruno Cora, procjena prevedena i ovjerena u Ambasadi Italije 07.08.2002. godine, a koja je sastavni dio ovog ugovora.

## VI

### Fondacija stiče prihode:

- prikupljanjem sredstava putem organizovanja Internacionalne kampanje ARS AEVI,
    - od pokretne i nepokretne imovine koja stiže u Fondaciju u bilo kojem svojstvu,
    - od zarade i dobiti koje potiču iz naslijeđa i aktivnosti Fondacije,
  - od ulaganja koje osiguravaju Bosna i Hercegovina, Federacija Bosne i Hercegovine, Grad Sarajevo i Kanton Sarajevo, kao i drugi potencijalni finansijeri na državnom, kantonalom i općinskom nivou,
    - od donacija ili ostavštinom pravnog ili fizičkog lica,
    - iz internacionalnih programa potpore,
  - od ulaganja osnivača, članova ili pomagača Udruženja građana "Umjetnost epohe" - "ARS AEVI",
    - iz prihoda od proizvodnje i prodaje audio-video zapisa, publikacija i gadžeta ARS AEVI;
    - iz drugih izvora, u skladu sa zakonom i Statutom Fondacije.
- Osnivači se odriču dobiti nastale djelatnošću Fondacije, u korist Fondacije.

## VII

Organi Fondacije su: Odbor povjerenika, Izvršni odbor, Savjet promotora Internacionalne kampanje ARS AEVI i drugi organi utvrđeni Statutom Fondacije (savjetodavni, operativni i drugi).

Prava, obaveze i odgovornosti organa iz prethodnog stava regulisaće se Statutom i drugim aktima Fondacije.

Radi obavljanja stručnih, administrativnih i finansijskih poslova Fondacija ima direkcije, u skladu sa Statutom Fondacije.

## VIII

Odbor povjerenika je organ upravljanja Fondacijom i sastoji se od predsjednika i jedanaest članova, koje imenuju i smjenjuju osnivači, kao i generalnog direktora Fondacije, koji je član Odbora povjerenika po svojoj funkciji.

Osnivači iz prethodnog člana imenuju i smjenjuju:

- dva predstavnika Kantona Sarajevo,
- dva predstavnika Grada Sarajeva,
- dva predstavnika Udruženja građana "Umjetnost epohe" - "ARS AEVI" iz Sarajeva,
- dva predstavnika Asocijacije ARS AEVI - Italija,
- dva predstavnika Savjeta promotora Internacionalne kampanje ARS AEVI i
- dva predstavnika Savjeta sudionika Fondacije,

## IX

Izvršni odbor je izvršni organ Fondacije, kojeg imenuje Odbor povjerenika.

X

*Savjet promotora Internacionalne kampanje ARS AEVI vrši nadzor nad radom organa Fondacije, a čine ga predstavnici promotora Kampanje.*

XI

*Fondacija ima Statut, u skladu sa zakonom.  
Statut donosi Odbor povjerenika, uz prethodnu saglasnost osnivača.*

XII

*Fondacija počinje s radom nakon dobivene saglasnosti Vlade Federacije Bosne i Hercegovine, odnosno danom upisa u Registar fondacija Federalnog ministarstva pravde.  
Fondacija prestaje s radom kada prestane svrha njenog osnivanja, o čemu odlučuju osnivači, na prijedlog Odbora povjerenika.*

XIII

*Ovaj Ugovor služi kao osnivački akt na osnovu kojeg će osnivači registrovati Fondaciju u Federalnom ministarstvu pravde u Sarajevu.  
Administrativne poslove vezane za izvršenje ovog Ugovora i finansijske obaveze koje iz toga proističu obavljaju osnivači putem svojih predstavnika .*

XIV

*Osnivači su saglasni da se ovom ugovoru pridruže kao suosnivači: Federacija Bosne i Hercegovine i država Bosna i Hercegovina-Ministarstvo inostranih poslova, UNESCO i drugi suosnivači, koji su aktivno podržavali inicijativu ARS AEVI u proteklom periodu i koji će ovu internacionalnu inicijativu podržavati u njenim budućim fazama.  
Sporazumom o pridruživanju ovom Ugovoru regulisaće se prava i obaveze pridruženih suosnivača, odnosno na osnovu sporazuma sačinice se aneks ovog ugovora.*

XV

*Ugovor je sačinjen je u 12 istovjetnih primjeraka, po dva za svaku ugovornu stranu, a 4 (četiri) primjerka za potrebe Fondacije.  
Za sve sporove po ovom ugovoru nadležan je sud u Sarajevu.*





POTPISNICI UGOVORA

Kanton Sarajevo

Predsjednik  
Mustafa Pamuk

Zamjenik predsjednika  
Vlado Raguž

Broj: 01/1-65-4312-2



  


Grad Sarajevo

Gradonačelnik  
Dr Muhidin Hamamdžić

Zamjenik gradonačelnika  
Dr Savo Vlaški

Broj: 01-14-4011/02


  


Asocijacija ARS AEVI-ITALIA

Predsjednik  
Marcello Bucci

Direktor  
Flavio Mongelli

Broj: \_\_\_\_\_



  


Asocijacija  
"Umjetnost epohe" - "ARS AEVI"

Predsjednik  
Ilija Šimić

Generalni direktor  
Enver Hadžiomerspahić

Broj: \_\_\_\_\_

BOSNA I HERCEGOVINA  
Federacija Bosne i Hercegovine  
GRAD SARAJEVO  
GRADSKO VIJEĆE



BOSNIA AND HERZEGOVINA  
Federation of Bosnia and Herzegovina  
CITY OF SARAJEVO  
CITY COUNCIL

DOKUMENT: 6  
MOŽE SE VRŠITI ISPOD ATJEVA I ATJEVA  
KAO I KNJŽENJE  
TVRDI I OVJERAV  
OVI AŠĆENA OSOBA ENNE SARAJEVO

*ODLUKA  
O PRISTUPANJU OSNIVANJU FONDACIJE  
ARS AEVI*

*Predlagač: Gradonačelnik  
Obrađivač: Službe Gradske uprave*

*Sarajevo, juli 2002. godine*



Na osnovu člana 6. stav 2. Zakona o fondacijama i zakladama («Službene novine Federacije BiH», broj 16/98), te člana 24. stav 1. tačka 2., a u vezi sa članom 15. tačka 5. Statuta Grada Sarajeva («Službene novine Kantona Sarajevo», broj 12/98 i 14/98) i člana 104. Poslovnika Gradskog vijeća Grada Sarajeva («Službene novine Kantona Sarajevo», broj 16/98), Gradsko vijeće Grada Sarajeva, na sjednici od 30. 07. 2002. godine donosi

## ODLUKU o pristupanju osnivanju Fondacije ARS AEVI

### Član 1.

Ovom Odlukom Grad Sarajevo pristupa osnivanju Fondacije ARS AEVI (u daljem tekstu: Fondacija) sa suosnivačima: Kantonom Sarajevo, Asocijacijom ARS AEVI – Italija i Udruženjem građana «Umjetnost epohe – ARS AEVI» iz Sarajeva.

### Član 2.

Gradsko vijeće Grada Sarajeva daje saglasnost na Statut Fondacije.

### Član 3.

Gradsko vijeće Grada Sarajeva ovlašćuje gradonačelnika Grada Sarajeva da zaključi ugovor o osnivanju Fondacije u skladu sa odredbama Zakona o fondacijama i zakladama F BiH.

U cilju realizacije odredbe iz stava 1. ovog člana, gradonačelnik Grada Sarajeva:

- imenuje predstavnike Grada Sarajeva u Odbor povjerenika Fondacije,
- vrši i druga prava u ime osnivača u skladu sa Statutom Fondacije.

### Član 4.

Grad Sarajevo unosi u Fondaciju, kao osnivački ulog, za osnivanje i početak rada Fondacije, novčana sredstva u iznosu 10.000,00 KM (slovima: deset hiljada KM).

Sredstva iz stava 1. ovog člana odobrit će se na teret pozicije 614300 «Projekat ARS AEVI», Budžeta Grada Sarajeva za 2002. godinu.

### Član 5.

Ova Odluka stupa na snagu danom objavljivanja u «Službenim novinama Kantona Sarajevo».

Broj: 01-02-877/02

Datum, 30. 07. 2002. godine



PREDSJEDAVAJUĆA  
GRADSKOG VIJEĆA

Prof. dr. Mira Jadrić-Winterhalter



## ODLUKU

### O PRISTUPANJU OSNIVANJU FONDACIJE ARS AEVI

#### Član 1.

Ovom odlukom Grad Sarajevo pristupa osnivanju Fondacije ARS AEVI (u daljem tekstu: Fondacija) sa suosnivačima: Kantonom Sarajevo, Asocijacijom ARS AEVI - Italija i Udruženjem radana "Umjetnost epohe - ARS AEVI" iz Sarajeva.

#### Član 2.

Gradsko vijeće Grada Sarajeva daje saglasnost na Statut Fondacije.

#### Član 3.

Gradsko vijeće Grada Sarajeva ovlašćuje gradonačelnika Grada Sarajeva da zaključi ugovor o osnivanju Fondacije u skladu sa odredbama Zakona o fondacijama i zakladama FBiH.

U cilju realizacije odredbe iz stava 1. ovog člana, gradonačelnik Grada Sarajeva:

- imenuje predstavnike Grada Sarajeva u Odbor povjerenika Fondacije,
- vrši i druga prava u ime osnivača u skladu sa Statutom Fondacije.

#### Član 4.

Grad Sarajevo unosi u Fondaciju, kao osnivački ulog, za osnivanje i početak rada Fondacije, novčana sredstva u iznosu 0.000,00 KM (slovima: desethiljada KM).

Sredstva iz stava 1. ovog člana odobrit će se na teret pozicije 614300 "Projekat ARS AEVI", Budžeta Grada Sarajeva za 2002. godinu.

#### Član 5.

Ova odluka stupa na snagu danom objavljivanja u "Službenim novinama Kantona Sarajevo".

Broj 01-02-877/02  
30. jula 2002. godine  
Sarajevo

Predsjedavajuća Gradskog  
vijeća prof. dr. Mira  
Jadrić-Winterhalter, s. r.

Na osnovu člana 56. stav 2. Zakona o prostornom uređenju Kantona Sarajevo ("Službene novine Kantona Sarajevo", br. 13/99, 19/99, 24/01 i 32/01 - ispravka) i člana 15. stav 1. tačka 1. i člana 24. stav 1. tačka 2. Statuta Grada Sarajeva ("Službene novine Kantona Sarajevo", br. 12/98 i 14/98), Gradsko vijeće, na sjednici održanoj 30. jula 2002. godine, donijelo je

## ODLUKU

### O IZMJENAMA I DOPUNAMA REGULACIONOG PLANA "CRNI VRH"

#### Član 1.

Usvajaju se, u skraćenom postupku, Izmjene i dopune Regulacionog plana "Crni vrh" ("Službene novine Grada Sarajeva", broj 9/91 i "Službene novine Kantona Sarajevo", broj 17/00), (u daljem tekstu: Plan).

#### Član 2.

Plan se sastoji od tekstualnog i grafičkog dijela.

Tekstualni dio sadrži:

- Postojeće stanje i projekciju izgradnje i uređenja prostorne cjeline sa namjenom površina i urbanističko-tehničkim uvjetima za izgradnju objekata u okviru Plana,
- Odluku o provođenju Plana.

Grafički dio sadrži:

- Izvod iz plana višeg reda 1:5000,

- Namjena, spratnost i razmještaj objekata RP "Crni vrh" 1:1000,
- Ažurna geodetska situacija obuhvata Plana 1:1000,
- Kategorija spratnosti i namjena objekata - postojeće stanje 1:1000,
- Razmještaj, namjena, spratnost i intervencije na objektima 1:1000,
- Mreže regulacionih i građevinskih linija.

#### Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije u Gradskoj upravi - Službi za urbano planiranje, Općini Centar Sarajevo i Zavodu za planiranje razvoja Kantona Sarajevo.

#### Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-878/02  
30. jula 2002. godine  
Sarajevo

Predsjedavajuća Gradskog  
vijeća prof. dr. Mira  
Jadrić-Winterhalter, s. r.

Na osnovu člana 56. stav 2. Zakona o prostornom uređenju ("Službene novine Kantona Sarajevo", br. 13/99, 19/99, 24/01 i 32/01 - ispravka), člana 15. stav 1. tačka 1. i člana 24. stav 1. tačka 2. Statuta Grada Sarajeva ("Službene novine Kantona Sarajevo", br. 12/98 i 14/98), Gradsko vijeće, na sjednici održanoj 30. jula 2002. godine, donijelo je

## ODLUKU

### O PROVOĐENJU IZMJENA I DOPUNA REGULACIONOG PLANA "CRNI VRH"

#### Član 1.

Ovom odlukom uređuje se provođenje Izmjena i dopuna Regulacionog plana "CRNI VRH" (u daljem tekstu: Izmjena i dopuna Plana), a naročito u granicama Izmjene i dopune Plana, urbanističko-tehnički uslovi za izgradnju građevina, uslovi za uređenje građevinskog zemljišta, uređenje zelenih i slobodnih površina, te odnosi prema postojećim objektima i uslovi pod kojima se pojedine djelatnosti mogu obavljati u planiranom prostoru.

#### Član 2.

Granica prostornog obuhvata Izmjena i dopuna Plana počinje sa tromede parcela k.č. 903, 1207 i 915 K.O. Sarajevo VII i ide u pravcu istoka južnom stranom ulice Jabučice Avde k.č. 1207 (ne obuhvata je) i dolazi do njenog raskršća sa ulicom Goruša k.č. 1206, lomi se idući u pravcu juga zapadnom stranom ulice Goruša k.č. 1206 (ulica) i 910, skreće na zapad idući južnom stranom parcele k.č. 911 koju obuhvata, lomi se idući u pravcu sjevera zapadnom stranom parcele k.č. 911 (obuhvata je) nastavlja na zapad idući južnim međama parcela k.č. 912, 913/1 914 i 915 (obuhvata ih), skreće na sjever idući zapadnom međom parcele k.č. 915 (obuhvata je) te dolazi do tromede odnosno mjesta odakle je opis granice prostornog obuhvata i počeo.

Sve naprijed navedene parcele nalaze se u K.O. Sarajevo VII. Ukupna površina obuhvata iznosi 0,4 ha.

#### Član 3.

U obuhvatu Izmjene i dopune Plana definisana je zona koja ima namjenu:

- zona kolektivnog stanovanja,



Na osnovu čl.12. stav 1. točka c) i člana 18. stav 1. točka m) Ustava Kantona Sarajevo («Službene novine Kantona Sarajevo»,br.1/96,2/96,3/96.,16/97,14/00 i 4/01),Skupština Kantona Sarajevo, na sjednici od 25.6.2002.godine, donijela je

**ODLUKU  
O ZAKLJUČIVANJU UGOVORA O OSNIVANJU FONDACIJE ARS AEVI**

**Član 1.**

U cilju:

- pokretanja internacionalne kampanje ARS AEVI, kojom će se obezbijediti sredstva za izgradnju i izgradnja Komplexa ARS AEVI u Sarajevu;
  - obavljanja poslova promocije savremene umjetnosti;
  - formiranja, zaštite, održavanja i prezentacije kolekcije ARS AEVI;
  - realizacije programa potpore i prikupljanja donatorskih i drugih sredstava kojima će se obezbijediti izgradnja i funkcionisanje Komplexa ARS AEVI,
- Kanton Sarajevo zaključuje ugovor o osnivanju Fondacije ARS AEVI (u daljem tekstu:Fondacija) sa suosnivačima: Gradom Sarajevom, Asocijacijom ARS AEVI-Italija i Udruženjem građana «Umjetnost epohe»-« ARS AEVI» iz Sarajeva.

**Član 2.**

Radi stvaranja preduslova za ostvarivanje ovih ciljeva Kanton Sarajevo kao svoj osnivački ulog ustupa Fondaciji:

- 1) 10.000,00 KM i
- 2) vrijednost rente za uređenje i korištenje gradskog građevinskog zemljišta.

**Član 3.**

Ovlašćuje se predsjednik Kantona Sarajevo da zaključi ugovor iz člana 1., a pod uslovima iz člana 2 ove odluke i zastupa Kanton Sarajevo u njegovoj realizaciji, te da u ime Kantona Sarajevo:

- podnese zahtjev za upis Fondacije u Registar Fondacija,
- imenuje predstavnike Kantona Sarajevo u Odboru povjerenika Fondacije ,
- daje saglasnost na Statut Fondacije ,
- vrši druga prava u ime osnivača za koja to bude određeno Statutom Fondacije.

**Član 4.**


Ova odluka objaviće se u «Službenim novinama Kantona Sarajevo».

Broj:01-02-12780/02  
25.6.2002. godine  
SARAJEVO



PREDSJEDAVAJUĆI  
SKUPŠTINE KANTONA SARAJEVO

Miro Lazović



4  
DOKUMENI  
MOŽE SE VRŠITI ISPLATA-NAPLATA  
KAO I KNJIŽENJE  
TVRDI I OVIJERAVI  
OVLAŠĆENA OSOBA: ENVER HADŽIUMEHSPAHIĆ  
08-07-02

# ARS AEVI

## ODLUKA O PRISTUPANJU OSNIVANJU FONDACIJE ARS AEVI

Na sastanku članova Predsjedništva Asocijacije ARS AEVI, Italija održanog u Firenci 8.7. 2002. godine članovi predsjedništva su donijeli jednoglasno:

### ODLUKU o pristupanju osnivanja Fondacije ARS AEVI

#### Član 1.

Ovom Odlukom Predsjedništva Asocijacije ARS AEVI, Italija pristupa osnivanju Fondacije ARS AEVI (u daljem tekstu: Fondacija) sa suosnivačima: Kantonom Sarajevo, Gradom Sarajevo, Udruženje građana ARS AEVI, Sarajevo.

#### Član 2.

Predsjedništvo Predsjedništva Asocijacije ARS AEVI, Italija dalo je saglasnost na Statut Fondacije.

#### Član 3

Predsjedništvo Asocijacije ARS AEVI, Italija ovlašćuje Predsjednika Asocijacije, Macelo Bucci i Direktora Asocijacije ARS AEVI, Italija, Flavio Mongelli da zaključe ugovor o osnivanju Fondacije u skladu sa odredbama Zakona o fondacijama i zakladama Federacije Bosne i Hercegovine.

#### Član 4.

U cilju realizacije odredbe iz stava 1. ovog člana, Predsjedništvo je imenovalo predstavnike Asocijacije ARS AEVI, Italija u Odbor povjerenika Fondacije:

Predsjednik Asocijacije Macelo Bucci  
Direktor Asocijacije ARS AEVI, Italija, Flavio Mongelli

#### Član 5.

Asocijacija ARS AEVI, Italija unosi u Fondaciju, kao osnivački ulog, za osnivanje i početak rada Fondacije 5.000 €.

#### Član 6.

Ova odluka stupa na snagu danom njenog donošenja.

Predsjednik Asocijacije ARS AEVI, Italija  
Macelo Bucci



INTERNATIONAL CULTURAL PROJECT MUSEUM OF CONTEMPORARY ART SARAJEVO

General Direction BiH Sarajevo, Centar Svedetja, Fetezja bld, Tel: 387 33 216 934 Fax: 201 208, E-mail: arsaevi@arsaevi.ba  
Development Office Italy, Luozze, Via Del Capaccio 1, Tel: 39 055 265 7725 Fax: 287 156, E-mail: arsaevi@itgen.it

5  
DOKUMENTI  
MOŽE SE VRŠITI ISPLATA-NAPLATA  
KAO I KNJIZENJE  
TVRDI I OVJERAVI  
OVLAŠĆENA OSOBA: ENVER HADŽIOMERSPAHIĆ  
30.07.02

# A R S A E V I

## ODLUKA O PRISTUPANJU OSNIVANJU FONDACIJE ARS AEVI

Na sastanku članova Predsjedništva Udruženja građana ARS AEVI održanog u Sarajevu 30.07. 2002. godine članovi Predsjedništva su donijeli jednoglasno:

### ODLUKU o pristupanju osnivanja Fondacije ARS AEVI

#### Član 1.

Ovom Odlukom Udruženja građana ARS AEVI Sarajevo pristupa osnivanju Fondacije ARS AEVI (u daljem tekstu: Fondacija) sa suosnivačima: Kanton Sarajevo, Grad Sarajevo, Asocijacija ARS AEVI – Italija.

#### Član 2.

Predsjedništvo Udruženja građana ARS AEVI dalo je saglasnost na Statut Fondacije.

#### Član 3

Predsjedništvo Udruženja građana ARS AEVI ovlašćuje Predsjednika udruženja, Iliju Šimića i Generalnog direktora Udruženja građana ARS AEVI, Envera Hadžiomerspahića da zaključe ugovor o osnivanju Fondacije u skladu sa odredbama Zakona o fondacijama i zakladama Federacije Bosne i Hercegovine.

#### Član 4.

U cilju realizacije odredbe iz stava 1. ovog člana, Predsjedništvo je imenovalo predstavnike Udruženja građana ARS AEVI u Odbor povjerenika Fondacije:

Predsjednik Upravnog odbora ARS AEVI Ilija Šimić  
Dopredsjednik Upravnog odbora ARS AEVI, Sadik Hasanbegović

#### Član 5.

Udruženje građana ARS AEVI, Sarajevo unosi u Fondaciju, kao osnivački ulog, umjetnička djela Kolekciju ARS AEVI, procijenjena na vrijednost od 2.752.500,00 €.

#### Član 6.

Ova odluka stupa na snagu danom njenog donošenja.

Ilija Šimić

Predsjednik Udruženja građana ARS AEVI



INTERNATIONAL CULTURAL PROJECT MUSEUM OF CONTEMPORARY ART SARAJEVO

General Direction BiH Sarajevo, Centar Skenderija, Terzija bb, Tel: 387 33 216 934 Fax: 201 208, E-mail: arsaevi@arsaevi.ba  
Development Office Italy, Firenze, Via Del Capaccio 1, Tel: 39 055 265 7725 Fax: 297 156, E-mail: arsaevi@itajun.it

**STATUT  
FONDACIJE ARS AEVI**

**ARSAEVI**



**STATUT**

Sarajevo, 23. 6 2002. godine



Na osnovu člana 11. Zakona o fondacijama i zakladama ("Službene novine Federacije Bosne i Hercegovine", broj 16/98) i tačke X Ugovora o osnivanju Fondacije ARS AEVI, Odbor povjerenika Fondacije ARS AEVI, uz prethodnu saglasnost osnivača, dana 23. 6. 2002. donio je

## STATUT FONDACIJE ARS AEVI

### I - OPŠTE ODREDBE

#### Član 1.

Ovim statutom uređuje se: naziv i sjedište Fondacije ARS AEVI (u daljnjem tekstu: Fondacija), osnivanje, osnovna imovina i svrha osnivanja Fondacije, način sticanja i upotrebe prihoda Fondacije, organi upravljanja i drugi organi Fondacije i postupak za njihovo imenovanje i razrješenje, kao i odgovornost za rad njihovih članova, nadležnost i rad organa Fondacije, podnošenje izvještaja o radu i finansijskom poslovanju Fondacije, donošenje akata i njihovo objavljivanje, utvrđuje organ nadležan za odlučivanje o prestanku Fondacije i o prenamjeni preostale imovine u slučaju prestanka Fondacije i regulišu druga pitanja od značaja za organizaciju i način rada Fondacije.

### II - NAZIV I SJEDIŠTE FONDACIJE

#### Član 2.

Puni naziv Fondacije je: Fondacija ARS AEVI.

Skraćeni naziv Fondacije je: "ARS AEVI"

Sjedište Fondacije je u Sarajevu, Centar Skenderija, ulica Terezije bb.

### III - PRAVNI SUBJEKTIVITET, PEČAT, ŠTAMBI LJ I ZNAK FONDACIJE

#### Član 3.

Fondacija ima svojstvo pravnog lica i ima administrativnu, tehničku i finansijsku samostalnost.

Fondacija ima vlastiti žiro račun.

Fondacija se registruje u Registar fondacija Federalnog ministarstva pravde.

#### Član 4.

Fondacija ima pečat, štambilj i znak/logo.

Pečat Fondacije je okruglog oblika, prečnika 35 mm (veliki) i 25 mm (mali), a na oba pečata je u krugu ispisan tekst: "FONDACIJA ARS AEVI - SARAJEVO", a vodoravno u sredini pečata ispisan je tekst "ARS AEVI".

Štambilj je pravougaonog oblika, dimenzija 60x30 mm i sadrži vodoravno ispisane naziv i sjedište Fondacije, te broj i datum sa prostorom za upisivanje broja i datuma.

Izgled i način upotrebe znaka Fondacije određuje organ Fondacije određen ovim statutom.

### IV - NAČIN OSNIVANJA FONDACIJE

#### Član 5.

Fondacija je osnovana Ugovorom o osnivanju Fondacije ARS AEVI - Sarajevo, koji su, kao osnivački akt, zaključili osnivači Kanton Sarajevo, Grad Sarajevo, Asocijacija ARS AEVI Italija i Udruženje građana "Umjetnost epohe" - "ARS AEVI" iz Sarajeva dana 23. 6. 2002. godine.

### V - PRIDRUŽIVANJE SUOSNIVAČA FONDACIJE

#### Član 6.

Ugovoru iz prethodnog stava mogu se pridružiti kao suosnivači: Federacija Bosne i Hercegovine i država Bosna i Hercegovina-Ministarstvo vanjskih poslova, UNESCO, kao i drugi suosnivači, koji su aktivno podržavali inicijativu ARS AEVI u proteklom periodu i koji će ovu internacionalnu inicijativu podržavati u njenim budućim fazama, a njihova prava i obaveze regulisaće se aneksom ugovora o osnivanju i dopunama ovog statuta, u skladu sa zakonom.

### VI - SVRHA OSNIVANJA FONDACIJE

#### Član 7.

Svrha osnivanja Fondacije je:

- obezbjeđenje sredstava za izgradnju i izgradnja Kompleksa ARS AEVI u Sarajevu;

- pokretanje Internacionalne kampanje ARS AEVI, kojom će se obezbijediti sredstva za izgradnju Kompleksa ARS AEVI;

- obavljanje poslova u funkciji ostvarivanja internacionalne promocije savremene umjetnosti;
- organizacija kulturalnih programa;
- obavljanje poslova na formiranju, zaštiti, održavanju i prezentaciji kolekcije ARS AEVI;
- obavljanje poslova na realizaciji internacionalnih programa potpore i prikupljanja drugih sredstava.

## **VII - OSNOVNA IMOVINA FONDACIJE**

### **Član 8.**

Osnovnu imovinu Fondacije čine osnivački uložci osnivača, i to:

1. Novčana sredstva u iznosu od 10.000,00 (slovima: deset hiljada) KM, za osnivanje i početak rada Fondacije KM i iznos naknade za pogodnosti (renta), naknade za uređenje gradskog građevinskog zemljišta i naknade za preuzeto zemljište, koje unosi Kanton Sarajevo, čiji će iznos biti određen aktom Zavoda za izgradnju Kantona Sarajevo u skladu sa važećim propisima, a što će biti definisano posebnim aneksom na ovaj ugovor;
2. Novčana sredstva u iznosu od 10.000,00 (slovima: deset hiljada) KM, za osnivanje i početak rada Fondacije, koje unosi Grad Sarajevo,
3. Novčana sredstva u iznosu od 10.000,00 (slovima: deset hiljada) KM, za podršku Generalnoj direkciji Fondacije, koje unosi Asocijacija ARS AEVI Italija,
4. Umjetnička kolekcija ARS AEVI (donirana kolekcija djela savremene umjetnosti) u vrijednosti od cca 2.752.500,00 (slovima: dvamilionasedamstotina pedesetdvihijadepetstotina) KM, koja je pokrenula proces realizacije Komplexa ARS AEVI, a koju unosi Udruženje građana "Umjetnost epohe" - "ARS AEVI".

Ukupnu imovinu Fondacije čine novčana i druga sredstva, umjetnički predmeti, imovina i imovinska prava, koje Fondacija stekne vršenjem djelatnosti zbog koje je osnovana.

## **VIII - NAČIN STICANJA PRIHODA I UPOTREBA SREDSTAVA FONDACIJE**

### **Član 9.**

Fondacija stiče prihode prikupljanjem sredstava:

- putem organizovanja Internacionalne kampanje ARS AEVI;
- od pokretne i nepokretne imovine koja stiče u Fondaciju u bilo kojem svojstvu;
- od ulaganja koje osiguravaju Bosna i Hercegovina, Federacija Bosne i Hercegovine, Kanton Sarajevo i Grad Sarajevo, kao i drugi potencijalni donatori na državnom, kantonalom i općinskom nivou;
- iz internacionalnih programa potpore;
- iz donacija ili ostavštinom pravnog ili fizičkog lica;
- od ulaganja osnivača, članova ili pomagača Udruženja građana "Umjetnost epohe" - "ARS AEVI";
- iz priloga i donacija od strane internacionalnih i nacionalnih ustanova iz drugih zemalja;
- iz drugih izvora, u skladu sa zakonom.

Osnivači se odriču dobiti nastale djelatnošću Fondacije, u korist Fondacije.

### **Član 10.**

Učešćem u Internacionalnoj kampanji ARS AEVI, učesnik stiče počasni naziv (status) Utemeljivač Komplexa ARS AEVI.

Način i obim uključivanja u Internacionalnu kampanju ARS AEVI i prava i obaveze Utemeljivača Komplexa ARS AEVI iz prethodnog stava, koja nisu regulisana Statutom, regulišu se posebnim pravilnikom, a naročito:

- vrijednost ARS AEVI sertifikata,
- prava i obaveze Utemeljivača Komplexa ARS AEVI,
- počasti utemeljivača Komplexa ARS AEVI,
- druga pitanja od značaja učešće u Internacionalnoj kampanji ARS AEVI i status Utemeljivača Komplexa ARS AEVI.

### **Član 11.**

Sredstva ostvarena kroz Internacionalnu kampanju ARS AEVI usmjeravaju se u omjeru:

- 70% za obavljanje poslova izgradnje Komplexa ARS AEVI,
- 30% za obavljanje poslova promocije savremene umjetnosti i promocije Internacionalne kampanje ARS AEVI i funkcionalnih poslova Fondacije.



Član 12.

Finansijsko-materijalno poslovanje Fondacije i njenih organa vrši se u skladu sa zakonom i drugim propisima. Fondacija i njeni organi vode poslovne knjige i sastavljaju finansijske izvještaje, u skladu sa propisima iz prethodnog stava, odvojeno po namjenama iz prethodnog člana.

**IX - ORGANI FONDACIJE**

Član 13.

Organi Fondacije su:

- Odbor povjerenika,
- predsjednik Odbora povjerenika,
- Generalna direkcija Fondacije,
- generalni direktor Fondacije,
- Izvršni odbor,
- predsjednik Izvršnog odbora,
- izvršni direktor Fondacije,
- Savjet promotora Internacionalne kampanje ARS AEVI,
- Savjet sudionika Fondacije,
- Forum kreatora kolekcije ARS AEVI,
- Forum graditelja kompleksa ARS AEVI,
- Forum podržavalaca Projekta ARS AEVI,
- drugi organi utvrđeni ovim statutom.

Organi Fondacije su kolektivno i lično odgovorni za rad u organima Fondacije i za zakonito obavljanje djelatnosti Fondacije.

Radi obavljanja stručnih, administrativnih i finansijskih poslova Fondacija ima direkcije.

**a) Odbor povjerenika**

Član 14.

Odbor povjerenika je organ upravljanja Fondacijom i sastoji se od predsjednika i jedanaest članova, koje imenuju i smjenjuju osnivači, kao i generalnog direktora Fondacije, koji je član Odbora povjerenika po svojoj funkciji.

Osnivači iz prethodnog člana imenuju i smjenjuju:

- Kanton Sarajevo: dva predstavnika;
- Grad Sarajevo: dva predstavnika;
- Udruženje građana "Umjetnost epohe" - "ARS AEVI" iz Sarajeva: dva predstavnika;
- Asocijacije ARS AEVI Italija: dva predstavnika;
- Savjet promotora Internacionalne kampanje ARS AEVI: dva predstavnika;
- Savjet sudionika Fondacije: dva predstavnika.

U slučaju pridruživanja suosnivača Fondacije, u sastav Odbora povjerenika uključuje se, kao član, i po jedan predstavnik suosnivača Fondacije iz člana 6. ovog statuta.

Mandat članova Odbora povjerenika je četiri godine i nakon toga mogu biti ponovo imenovani.

Član 15.

**Odbor povjerenika:**

- bira predsjednika i zamjenika predsjednika Odbora povjerenika,
- imenuje generalnog direktora Fondacije i utvrđuje njegova prava i obaveze,
- donosi Statut Fondacije, uz prethodnu saglasnost osnivača,
- donosi planove poslovanja i programe aktivnosti,
- utvrđuje poslovnu politiku, strategiju i program razvoja,
- odlučuje o raspodjeli i upotrebi sredstava (finansijski planovi i drugi dokumenti),
- donosi godišnji obračun prihoda i rashoda (finansijski izvještaji),
- donosi pravilnik i druge normativne akte koji se odnose na Generalnu direkciju Fondacije,
- vrši odabir izvođača radova za izgradnju Komplexa ARS AEVI, u skladu sa zakonom
- imenuje i razrješava predsjednika i članove Izvršnog odbora Fondacije,
- donosi poslovnik o svom radu,
- osniva stalne ili povremene komitete, odbore ili sekcije.



#### Član 16.

Sjednice Odbora povjerenika održavaju se kvartalno ili po potrebi.  
Sjedinicom predsjedava predsjednik ili njegov zamjenik.  
Sjedinicu saziva predsjednik, a mogu je sazvati najmanje tri člana Odbora povjerenika.  
Sjednica se može održati ukoliko sjednici prisustvuje natpolovična većina članova Odbora povjerenika.  
Odbor povjerenika odlučuje natpolovičnom većinom članova Odbora povjerenika.

#### **b) Predsjednik Odbora povjerenika**

##### Član 17.

Predsjednik Odbora povjerenika zastupa i predstavlja Fondaciju.  
Zamjenik predsjednika Odbora povjerenika zamjenjuje predsjednika u slučaju njegove spriječenosti ili odsutnosti.

#### **c) Generalni direktor Fondacije**

##### Član 18.

Generalni direktor Fondacije je organ Fondacije koji garantira kontinuitet i razvoj koncepcije i strategija projekta ARS AEVI.

Generalni direktor Fondacije rukovodi Generalnom direkcijom Fondacije, zastupa i predstavlja generalnu direkciju Fondacije u poslovima iz njene nadležnosti, a posebno:

- osmišljava i predlaže generalnu koncepciju, obrađuje i predlaže generalne strategije projekta ARS AEVI,
- njeguje međunarodne odnose, radi garancije kontinuiteta između prošlosti i budućnosti,
- njeguje i održava mrežu podržavalaca projekta ARS AEVI,
- koordinira rad organa Fondacije u interesu ostvarivanja utvrđenih strateških ciljeva projekta ARS AEVI,
- koordinira rad direkcija Fondacije,
- određuje izgled i način upotrebe znaka Fondacije,
- imenuje i smjenjuje rukovodioce sektora iz člana 19. ovog statuta, koordinatore, eksperte i druge službenike utvđene pravilnikom Generalne direkcije i utvrđuje njihove dužnosti i zaduženja,
- vrši i druge poslove koje mu odredi Odbor povjerenika.

Generalnog direktora Fondacije, u slučaju njegove odsutnosti ili spriječenosti u vršenju poslova rukovodioca direkcija, zamjenjuje osoba koju Generalni direktor ovlasti.

#### **d) Generalna direkcija Fondacije**

##### Član 19.

Generalna direkcija sprovodi generalnu koncepciju i generalne strategije projekta ARS AEVI. Pod rukovodstvom Generalnog direktora: koordinira sve sektore aktivnosti Fondacije i projekta ARS AEVI, održava odnose i koordinira aktivnosti partnera, promotora, podržavalaca i zaštitnika ARS AEVI, istražuje i dogovara saradnju i pristupe mreži ARS AEVI (Network), održava odnose između Fondacije i osnivača Kolekcije ARS AEVI, koordinira procese obogaćivanja Kolekcije ARS AEVI, koordinira procese Svjetske kampanje ARS AEVI, radi na njegovanju uspostavljenih odnosa, uspostavljanju novih kontakata i poticanju novih partnera na priključivanje u grupu promotora Svjetske kampanje ARS AEVI, koordinira aktivnosti partnera uključenih u procese promocije projekta ARS AEVI, koje se odnose na osnovne smjernice ili na posebne inicijative, koordinira gradnju Komplexa novog muzeja i Multikulturalnog centra ARS AEVI u Sarajevu, stvara kontakte s partnerima zainteresovanim za sudjelovanje u procesima idejnog osmišljavanja i realizacije programa budućeg muzeja i multikulturalnog centra Komplexa ARS AEVI, uspostavlja odnose i ostvaruje dogovore o pristupu ustanova i subjekata zainteresovanih za saradnju u svrhu prikupljanja finansijskih sredstava Fondacije.

Generalna direkcija Fondacije ARS AEVI istovremeno obavlja i funkcije Generalne direkcije Projekta ARS AEVI.  
Generalna direkcija Fondacije ima sjedišta u Sarajevu i Italiji, preko kojih izvršava svoje aktivnosti.

##### Član 20.

Djelatnosti iz prethodnog člana Generalna direkcija Fondacije izvršava preko sektora:

1. Koordinacija koncepcije i generalnih strategija,
2. Koordinacija mreže (Network) ARS AEVI,
3. Koordinacija Kolekcije ARS AEVI,
4. Koordinacija Svjetske kampanje,
5. Koordinacija gradnja Komplexa ARS AEVI,
6. Koordinacija Multikulturalnog centra,
7. Koordinacija regionalne i internacionalne promocije,
8. Koordinacija internacionalne saradnja sa javnim i privatnim partnerima zainteresovanim za finansiranje aktivnosti ARS AEVI.

Djelokrug, rukovođenje, ovlaštenja i druga pitanja od značaja za rad sektora iz prethodnog stava, regulisuje se posebnim pravilnikom, koji, na prijedlog generalnog direktora Fondacije, donosi Odbor povjerenika.

#### **e) Izvršni odbor**

##### **Član 21.**

Izvršni odbor je izvršni organ Fondacije.

##### **Član 22.**

Izvršni odbor ima predsjednika i četiri člana.

Predsjednika i članove Izvršnog odbora imenuje i smjenjuje Odbor povjerenika.

Mandat predsjednika i članova Izvršnog odbora je četiri godine i nakon toga mogu biti ponovo imenovani.

##### **Član 23**

Izvršni odbor:

- imenuje zamjenika predsjednika Izvršnog odbora, iz reda članova Izvršnog odbora,
- izvršava odluke Odbora povjerenika,
- predlaže izmjene i dopune Statuta Fondacije,
- priprema i predlaže planove poslovanja i programe aktivnosti,
- utvrđuje prijedlog finansijskog plana, godišnjeg finansijskog izvještaja i usvaja periodične finansijske izvještaje,
- donosi pravilnike i druge normativne akte, u skladu sa zakonom i ovom statutom i prati njihovo provođenje,
- utvrđuje organizaciju i način obavljanja stručnih i administrativnih poslova Fondacije,
- imenuje i smjenjuje izvršnog direktora Fondacije, uz saglasnost generalnog direktora Fondacije,
- imenuje i smjenjuje rukovodioca organizacionih jedinica-direkcija, na prijedlog generalnog direktora Fondacije,
- donosi poslovnik o svom radu,
- donosi odluke o svim pitanjima finansijskog poslovanja, koje nisu u nadležnosti Odbora povjerenika,
- donosi odluke o zaključivanju ugovora, o investicijama i osnovnim sredstvima, koje nisu u nadležnosti Odbora povjerenika,
- donosi, u dogovoru s izvršnim direktorom Fondacije, odluke o službenim putovanjima u inostranstvo lica koja nisu u radnom odnosu u Fondaciji,
- obavlja i druge poslove u skladu sa zakonom i ovim statutom, koje nisu u nadležnosti Odbora povjerenika.

##### **Član 24.**

Izvršni odbor sastaje se po potrebi, a najmanje jednom mjesečno.

Sjednicu saziva predsjednik Izvršnog odbora, a mogu je sazvati i najmanje dva člana Izvršnog odbora.

Sjednicom predsjedava predsjednik ili njegov zamjenik.

Sjednica se može održati ukoliko sjednici prisustvuje natpolovična većina članova Izvršnog odbora.

Izvršni odbor odlučuje natpolovičnom većinom članova Izvršnog odbora.

#### **f) Predsjednik Izvršnog odbora**

##### **Član 25.**

Predsjednik Izvršnog odbora zastupa i predstavlja Fondaciju u poslovima za koje je nadležan Izvršni odbor. Zamjenik predsjednika Izvršnog odbora zamjenjuje predsjednika u slučaju njegove spriječenosti ili odsutnosti.

#### **g) Izvršni direktor Fondacije**

##### **Član 26.**

Izvršni direktor Fondacije organizuje i rukovodi radom direkcija Fondacije (u daljem tekstu: direkcije), zastupa i predstavlja direkcije prema trećim licima i odgovoran je Izvršnom odboru za zakonitost rada direkcija, rezultate rada i finansijsko poslovanje direkcija.

Izvršnog direktora Fondacije, u slučaju njegove odsutnosti ili spriječenosti u vršenju poslova rukovodioca direkcija, zamjenjuje jedan od direktora direkcija kojeg on odredi.

##### **Član 27.**

U ostvarivanju rukovođenja direkcijama, izvršni direktor Fondacije, uz saglasnost generalnog direktora Fondacije:

- predlaže Izvršnom odboru mjere za efikasno i zakonito obavljanje djelatnosti direkcija,



- predlaže organizaciju i sistematizaciju poslova direkcija,
- predlaže osnove planova rada i razvoja,
- izvršava odluke Izvršnog odbora,
- odlučuje o zaduženjima, dužnostima i odgovornostima radnika iz radnog odnosa,
- postavlja i smjenjuje radnike direkcija,
- naredbodavac je za izvršenje finansijskog plana direkcija,
- vrši i druge poslove u skladu sa zakonom i odlukama Odbora povjerenika i Izvršnog odbora.

#### **h) Direkcije**

##### **Član 28.**

Direkcije su:

- Direkcija Kolekcije ARS AEVI, za brigu o Umjetničkoj kolekciji ARS AEVI (održavanje, dopuna, prezentacija i drugi poslovi utvrđeni pravilnikom),
- Direkcija Internacionalne kampanje ARS AEVI, za obavljanje poslova vezanih za Internacionalnu kampanju ARS AEVI (prezentacija, izrada promotivnih materijala, sertifikata i drugi poslovi utvrđeni pravilnikom),
- Direkcija za projektovanje i izgradnju Komplexa ARS AEVI, za obavljanje poslova projektovanja, izgradnje i nadzora nad izgradnjom Komplexa ARS AEVI i drugi poslovi utvrđeni pravilnikom),
- Direkcija Multikulturalnog centra ARS AEVI, za obavljanje poslova promocije kulture i prezentacije savremene umjetnosti,
- druge direkcije za obavljanje pravnih, administrativnih i finansijsko-računovodstvenih poslova, u skladu s pravilnikom.

Organizacija, djelokrug, rukovođenje i druga pitanja od značaja za rad direkcija regulišu se pravilnikom o organizaciji i sistematizaciji direkcija, koji, na prijedlog generalnog i izvršnog direktora, donosi Izvršni odbor Fondacije, u skladu sa zakonom i ovim Statutom.

##### **Član 29.**

Na zaposlene u direkcijama se primjenjuju opšti propisi o radu i pravilnici koji iz njih proističu, a koje donosi Izvršni odbor.

#### **i) Savjet promotora Internacionalne kampanje ARS AEVI**

##### **Član 30.**

Savjet promotora Internacionalne kampanje ARS AEVI (u daljnjem tekstu: Savjet promotora) čine po dva predstavnika: Regije Toskana, gradova Venecije, Rima, Firence i Milana, Muzeja Luigi Pecci-Prato, Legacoop-Rim, Asocijacije ARS AEVI-Italija, Asocijacije ARCI (Arci nova asocijacija i Arcimilano), kao i Renzo Piano, Michelangelo Pistoletto i Massimo Cacciari.

Sjedište Savjeta promotora je u Firenci-Italija.

Savjet promotora, između svojih članova, imenuje operativni i odgovorni komitet i utvrđuje mu dužnosti i ovlaštenja.

Savjet promotora ima predsjednika i zamjenika predsjednika, koji ga zamjenjuje u slučaju odsutnosti i spriječenosti.

Predsjednik Savjeta promotora zastupa i predstavlja Savjet promotora u poslovima za koje je nadležan Savjet promotora.

##### **Član 31.**

Savjet promotora vrši nadzor nad radom i finansijskim efektima Internacionalne kampanje ARS AEVI, namjenskom utrošku finansijskih sredstava i radom organa Fondacije.

Savjet promotora se sastaje na godišnjoj skupštini u posljednjoj sedmici juna.

Članovi Savjeta promotora izvještavaju se o svim značajnijim odlukama Odbora povjerenika i Izvršnog odbora.

Predsjednik Savjeta promotora može sazvati vanrednu sjednicu, a to isto može učiniti i natpolovična većina članova Savjeta promotora.

##### **Član 32.**

U vršenju nadzora nad radom organa Fondacije, Savjet i nadležni organi osnivača preduzimaju sve zakonom propisane mjere, uključujući i predlaganje smjenjivanja predsjednika i članova organa Fondacije.

#### **j) Savjet sudionika ARS AEVI**

##### **Član 33.**

Savjet sudionika ARS AEVI (u daljnjem tekstu: Savjet sudionika) čine po dva predstavnika sudionika-osnivača:



- Sjeverna Evropa,
- Južna Evropa,
- Zapadna Evropa,
- istočna Evropa,
- Srednja Evropa,
- Sjeverna Amerika,
- Južna Amerika,
- Bliski Istok,
- Istok.

Savjet sudionika je savjetodavni i nadzorni organ sudionika-osnivača ARS AEVI nad djelatnošću Fondacije sa stanovišta ostvarivanja generalne koncepcije i generalne strategije projekta ARS AEVI i njenih efekata na svjetskom nivou.

Savjet sudionika utvrđuje svoju organizaciju i, između svojih članova, imenuje operativni i odgovorni komitet i utvrđuje mu dužnosti i ovlaštenja.

#### **k) Forum kreatora Kolekcije ARS AEVI**

##### *Član 34.*

Forum kreatora Kolekcije ARS AEVI je savjetodavni organ Fondacije, a čine ga direktori muzeja koji su kreirali ili će kreirati nukleus kolekcije ARS AEVI i umjetnici koji su Fondaciji donirali ili će donirati umjetnička djela, a čija se imena upisuju u Knjigu kreatora Kolekcije ARS AEVI.

Forum kreatora Kolekcije ARS AEVI sastaje se po potrebi, a najmanje jednom za vrijeme mandata organa Fondacije i svojim mišljenjima, savjetima i prijedlozima utiče na aktivnosti i programe Fondacije.

Forum kreatora Kolekcije ARS AEVI ima Odbor, koji je savjetodavni organ Generalne direkcije.

#### **l) Forum graditelja Kompleksa ARS AEVI**

##### *Član 35.*

Forum graditelja Kompleksa ARS AEVI sačinjavaju fizička i pravna lica iz člana 9. ovog statuta, razvrstana po kategorijama kao: gradovi, regije, muzeji, udruženja, preduzeća, ustanove i fizička lica, te po vrstama doprinosa, a njihova imena biće upisana u Knjigu graditelja Kompleksa ARS AEVI.

Prava i obaveze Foruma graditelja Kompleksa ARS AEVI regulišu se pravilnikom iz člana 10. ovog statuta.

Forum graditelja Kompleksa ARS AEVI ima Odbor koji je savjetodavni organ Generalne direkcije.

#### **m) Forum podržavalaca Projekta ARS AEVI**

##### *Član 36.*

Forum podržavalaca Projekta ARS AEVI sačinjavaju pojedinci i ustanove koji su u periodu 1992-2002 godine na različite načine podržavali inicijativu ARS AEVI i koji će njene predstojeće faze podržavati i u budućnosti, a koji, kao nadzorni i savjetodavni organ, učestvuje u svim fazama realizacije i izgradnje Kompleksa ARS AEVI.

Prava i obaveze Foruma podržavalaca Projekta ARS AEVI regulisaće se posebnim pravilnikom.

Forum podržavalaca Projekta ARS AEVI ima Odbor koji je savjetodavni organ Generalne direkcije.

### **X - PRESTANAK FONDACIJE**

##### *Član 37.*

Fondacija se osniva na neodređeno vrijeme.

Fondacija prestaje sa radom kad prestane svrha njenog osnivanja, o čemu odlučuju osnivači.

Po prestanku Fondacije, osnivači odlučuju o prenamjeni imovine Fondacije, u skladu sa statutarnim svrhama Fondacije.

### **XI - AKTI FONDACIJE**

##### *Član 38.*

Akti Fondacije su: Statut, poslovници o radu Odbora povjerenika i Izvršnog odbora, pravilnici, odluke i rješenja.

### **XII - JAVNOST RADA**

##### *Član 39.*

Rad Fondacije je javan, u skladu sa zakonom.

### **XIII - DONOŠENJE STATUTA I IZMJENA I DOPUNA STATUTA**

Član 40.

Statut donosi Odbor povjerenika, uz prethodnu pismenu saglasnost Osnivača, a smatra se usvojenim kada ga prihvati 2/3 članova istog Odbora.

Izmjene idopune ovog Statuta vrse se na način i po postupku utvrđenim za njegovo donošenje.

Član 41.

Eventualna pitanja koja nisu uređena ovim Statutom, a pojave se kao značajna za rad i djelovanje Fondacije, regulisat će se posebnom odlukom Odbora povjerenika, odnosno Izvršnog odbora.

### **XIV - PRELAZNE I ZAVRŠNE ODREDBE**

Član 42.

Statut stupa na snagu danom donošenja.


Član 43.

Tumacenje odredaba ovog Statuta daje Odbor povjerenika.

Broj 1/2

Sarajevo, 23. 6. 2002.

Predsjednik  
Odbora povjerenika



PRETHODNU SAGLASNOST NA STATUT DALI SU OSNIVAČI

Kanton Sarajevo

Predsjednik

Mustafa Pamuk

Sarajevo, 25.09.2002

Broj: 01/05-131

Zamjenik predsjednika

Vlado Raguz

Gradonačelnik  
Dr. Muhidin Hamamdzic

Sarajevo, 03.10.2002

Broj: 01

Zamjenik gradonačelnika

Dr. Savo Vlaski

Asocijacija ARS AEVI ITALIJA

Predsjednik

Marcello Bucci

Sarajevo, 23.06.2002

Broj: \_\_\_\_\_

Direktor

Flavio Mongelli

Udruženje građana  
"Umjetnost epohe" - "ARS AEVI"

Predsjednik

Ilija Simic

Sarajevo, 23.6.2002

Broj: 1/2

Generalni direktor

Enver Hadziomerspahic

Savjet promotora svjetske Kampanje ARS AEVI

Enver Hadziomerspahic

Enver Hadziomerspahic

Enver Hadziomerspahic